

adern / zwag dein haubt nicht / Dein haubt vnd allen
dein leib / halt nicht zu warm.

Drey ding sein an der Strauchen zu mercken.

Iss wenig brüe / sondern fast gebratens / brich dir
ab mit essen vnd trincken / wasch mit der weil deine
füsse aus wasser / da Gamillen ynne gesoten sein.

Fur die Geelsucht.

Nym rot weiden / seuds ynn ein hasen odder dreyen
das der dampff nicht darvon kan / vnd yn dem wasser
bade dich / Odder nym peckheys brod / legs ynn ein
schefflein / vnd sitz darein zum brod / vñ deck dich wol
zu / es hilfft.

Ein bad fur die geelsucht / auch fur wassersucht.

Nym erdpeerkraut / seud das ynn halben wein / ynn
einem neuen hasen / vnd nym denn Tuffstein gliend /
darob bade ynn einem zuber wol verdeckt / geus das
erdpeer wasser auff die Tuffstein / das du schwitzest /
brenne alsdem Ponen bletter / vnd der roten ölletter
aus / darmit salbe dich. Item / nym Aglawurtzel
odder erdpeer wurtzel / seuds ynn wein vnd trinck's / es
bricht die gylbe / Odder nym Seuenbaum / leg yhn yn
wein vber nacht vnd trinck des / es hilfft wol / Odder
trinck deins eygen harms / mit merrettig gemischt.

Item / isse müslein mit saffran wol gemacht / Odder
trinck Gamillen safft / Odder trinck hauswurtz safft.

Fur die Wassersucht.

Seud Kronwitpeer ynn essig / vnd isse die fast vñ viel /
es hilfft. Item / nym spindelbaum höltz / thu die
bern rinden darnon / nym die andern vnd brens zu asch
en / henc's ynn ein lantern wein / ynn ein secklein / vnd
trinck des / Odder nym die vnter rinden von weiden die
beim wasser stehen / legs yn roten wein vber nacht / vñ
trinck darnon. Widder